



Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-11-10040/20
Sarajevo, 16.04.2020. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg

Predmet: Odgovor na zastupničko pitanje zastupnice Danijele Kristić koje glasi:

“U objavljenom Javnom pozivu za dodjelu budžetskih sredstava za isplatu dijela plaće za mjesec mart 2020. godine, naveli ste i spisak djelatnosti kojima je zabranjen rad i koji mogu aplicirati na navedeni poziv. Međutim, dosta djelatnosti nedostaje na navedenom spisku kao npr: turističke agencije, hoteli, predškolski odgoj, rent a car agencije, autoškole, ostale pomoćne djelatnosti u prevozu, stari zanati, nespecijalizirane trgovine, usluge Facility-a (81.21, 81.22, 82,99), ostale rezervacijske usluge i djelatnosti povezane sa njima, kao i svim uslužnim i drugim djelatnostima kojima nije bio zabranjen rad, ali je zabranjen rad njihovim klijentima, te oni nisu mogli ostvarivati prihod od svoje djelatnosti.”

Vezano za predmetno zastupničko pitanje, Ministarstvo privrede Kantona Sarajevo (u daljnjem tekstu: Ministarstvo) daje sljedeći odgovor:

1. Federalni štab civilne zaštite (u daljnjem tekstu: FŠCZ) donio je niz naredbi kojima je zabranio obavljanje određenih djelatnosti (zabrana obavljanja za pojedine djelatnosti teče još od 18.03.2020. godine). S obzirom na naredbe FŠCZ, Vlada Kantona Sarajevo donijela je Odluku, broj: 02-04-9386-10.1/20 od 06.04.2020. godine (u daljnjem tekstu: Odluka). Tačkom I Odluke propisano je sljedeće: „Svim privrednim subjektima na području KS kojima je odlukama štabova civilne zaštite zabranjen rad, na temelju datuma o primjeni istih, a koji su zadržali broj radnika na dan 31.03.2020. godine u odnosu na prethodni mjesec, uz ispunjenje obaveza po osnovu javnih prihoda zaključno sa 31.03.2020. godine u odnosu na prethodni mjesec, uz ispunjenje obaveza po osnovu javnih prihoda, zaključno sa 31.12.2019. godine prema evidenciji Porezne uprave Federacije BiH, osim onih radnika kojima je istekao ugovor o radu i/ili koji su sporazumno prekinuli radni odnos sa poslodavcem, a koji su isplatili plate radnicima sa pripadajućim doprinosima, obezbijediće se sredstva za isplatu plate za MART 2020. godine do visine minimalne plaće definirane Općim kolektivnim ugovorom u iznosu od 406,00 KM, a u zavisnosti od predioda trajanja zabrane djelatnosti.“
2. U skladu sa Odlukom i naredbama FŠCZ, Ministarstvo je dana 10.04.2020. godine objavilo Javni poziv za dodjelu budžetskih sredstava za isplatu dijela plaća za mjesec Mart 2020. godine (u daljnjem tekstu: Javni poziv). Javnim pozivom pozvana su sva pravna i fizička lica



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





čija djelatnost je zabranjena odnosnim naredbama da se prijave na Javni poziv, kako bi istim obezbijedila sredstva za isplatu dijela plaće za mjesec mart 2020. godine do visine minimalne plaće definisane Općim kolektivnim ugovorom (u iznosu do 406,00 KM, a u zavisnosti od perioda trajanja zabrane djelatnosti). Prije objavljivanja Javnog poziva, Ministarstvo je izvršilo detaljan pregled naredbi FŠCZ, koje su se odnosile na zabrane obavljanja određenih djelatnosti, te je uložilo značajan napor da predmetne naredbe “prevede” na jezik/terminologiju KD BiH 2010, a sve s ciljem sprečavanja nastanka konfuzije prilikom određivanja kriterija Javnog poziva.

3. U vezi sa prethodno navedenim i sa predmetnim zastupničkim pitanjem, obavještavamo Vas da sljedeće djelatnosti, koje su navedene u predmetnom zastupničkom pitanju nisu obuhvaćene odnosnim naredbama FŠCZ, te samim time nisu bile ni predmet Javnog poziva:
 - a) Djelatnosti putničkih agencija (KD BiH 2010: 79.11);
 - b) Hoteli i sličan smještaj (KD BiH 2010: 55.10);
 - c) Predškolsko obrazovanje (KD BiH 2010: 85.10);
 - d) Iznajmljivanje i davanje u zakup (leasing) automobila i motornih vozila lake kategorije (KD BiH 2010: 77.11);
 - e) Djelatnosti vozačkih škola (KD BiH 2010: 85.53);
 - f) Ostale pomoćne djelatnosti u prijevozu (KD BiH 2010: 52.29);
 - g) Djelatnosti sa popisa tradicionalnih i starih obrta iz Uredbe o zaštiti tradicionalnih i starih obrta (“Služene novine Federacije BiH”, broj 66/09, 38/10 i 16/12);
 - h) Nespecijalizirana trgovina na veliko (KD BiH 2010: 46.90);
 - i) Trgovina na malo u nespecijaliziranim prodavaonicama pretežno hranom, pićima i duhanskim proizvodima (KD BiH 2010: 47.11);
 - j) Osnovno čišćenje zgrada (KD BiH 2010: 81.21);
 - k) Ostale djelatnosti čišćenja zgrada i objekata (KD BiH 2010: 81.22);
 - l) Ostale poslovne pomoćne uslužne djelatnosti, d.n. (KD BiH 2010: 82.99).
4. Kada su u pitanju maloprodajne nespecijalizirane prodavaonice, napominjemo da je Ministarstvo na Listu zabranjenih djelatnosti prema naredbama FŠCZ uvrstilo i razred: Ostala trgovina na malo u nespecijaliziranim prodavaonicama (KD BiH 2010: 47.19).
5. Javnim pozivom pozvani su da Zahtjeve dostave i oni subjekti kojima nije zabranjeno obavljanje djelatnosti, ali je Naredbom, broj: 12-40-6-148-27/20 od 19.03.2020. godine, indirektno zabranjeno obavljanje takvih djelatnosti u tržišnim centrima.
6. Oni privredni subjekti indirektno pogođeni globalnom pandemijom koronavirusa (COVID-19) koji nisu u kategoriji privrednih subjekata iz tačke 5. ovog akta, a čije djelatnosti nisu direktno zabranjene naredbama FŠCZ bit će posebno tretirani.

S poštovanjem,

Dostaviti:

- Naslovu
- Vlada Kantona Sarajevo
- Evidencija
- Arhiva



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

